

Reunion riba Green Corridor a bira un programa di ripiticion y gana

ORANJESTAD (AAN):

Ayera merdia Parlamento a trata e Green Corridor pa duna Minister di Infrastructura, Benny Sievinger e mandato pa ehecuta e proyecto aki cu lo costa un suma di 292 miyon florin.

Sinembargo manera por a ser anticipa, e reunion a wordo converti den un lucha di e dos fraccion di oposicion cu ta opone e intencion di Gobierno pa ehecuta e proyecto di Green Corridor y a hiba un oposicion politico formal contra di Minister Sievinger.

Fraccion di MEP for di prome momento a cuminsa cuestiona e cifranan relaciona cu e proyecto y a exige documentonan for di Minister Sievinger cu e mandatario a mostra cu e no tin loke oposicion ta pidi y cu hasta el a haya documento for di oposicion cu e no tabatin.

Loke tabata notabel di henter e reunion aki tabata e hecho cu varios miembro di Parlamento cu a hiba palabra tabata ripiti mesun puntonan, e mesun argumentonan y simplemente no tabatin argumento valido relaciona cu e punto cu mester a wordo trata.


Ta impresionante con hopi Parlamentarionan ta trece dilanti argumentonan y hasta punto di ordo cu no tin nada di haber cu e topico cu Parlamento mester atende durante di e reunion aki.

E reunion a cuminsa riba mal pia ora cu lider di fraccion di MEP, Evelyne Wever Croes a bay over na cuestiona e hecho cu Vice Presidente di Parlamento, ing. Chris Dammers ta dirigi e reunion, entre otro bisando cu sr Dammers tabata envolvi den un accidente cu auto di Parlamento y cu lo tin un investigacion tumando luga.

Segun Evelyne Wever Croes lo tabata na su luga pa e Vice Presidente permiti e siguiënte na turno pa dirigi e reunion aki te ora cu e investigacion contra di sr Dammers keda cla y wordo aclaria.

Aki por a anticipa caba e rumbo cu e reunion lo a continua ya cu realmente e lider di MEP tabata bon na altura cu no tin ningun tipo di investigacion tumando luga riba e accidente aki ya cu Vice Presidente di Parlamento a sigui cu tur procedura den e tipo di accidente aki y tambe cu el a cubri tur daño causa na e auto di Parlamento, for di su propio saco.

E compania di seguro tin



mesun liña politico di semper, papiando di mega debe, di debe di yiunan y nan yiunan, mescos cu a bira den tur otro reunion anterior na momento cu trata sea un proyecto of presupuesto di e pais.



un rapport di e caso y na e momentonan aki no tin cualkier tipo di investigacion tumando luga pa ningun tipo di irregularidad pero asina mes Evelyne Wever Croes ta habri e reunion cu e calumnia grandi aki.

Fraccion di MEP no a trece ningun punto nobo dilanti, cu no ta awor nan ta mira e importancia di e Green Corridor y hasta a bay over na duna esaki un nomber nobo como San Nicolas Corridor, cu no ta existi, mientras cu tres aña pasa e mesun grupo di Parlamentarionan aki a vota contra di e proyecto aki.

Fraccion di MEP tambe a insisti pa yama un reunion publico riba e posibilidad pa manda e carta di Minister Sievinger riba e "machtiging" pa un consejo di Raad van Advies, loke fraccion di AVP y ni Minister no ta haya ta necesario.

Hecho ta cu for di 2011 Parlamento a aproba un "machtiging" aki cu consejo di Raad van Advies y ayera Minister Sievinger a mostra cu e tin esaki caba.

Fraccion di MEP a sigui cu